

Poslovna edukacija za konkurentnost i ekonomsku održivost



Vrijeme u kojem živimo diktira ubrzani tempo u svim segmentima čovjekovog angažmana. Sigurno ste nebrojeno puta osjetili šta to znači u realnom životu, posebno kada je riječ o poslovnim aktivnostima. Promjene se dešavaju svakodnevno i ne uspijevamo održati korak sa većim zahtjevima kako potrošača s jedne strane, tako i tržišta u cjelini, s druge strane. Posmatramo procese i često ne učestvujemo aktivno u njima. Naravno sve se ovo odražava na naše poslovanje i rezultira nerijetko ne postizanjem željenih ciljeva. Ove činjenice su nas i ponukale da ovu uvodnu riječ u potpunosti posvetimo poslovnoj edukaciji. O njenoj važnosti i neophodnosti do sada je rečeno mnogo. Hvaljena i prepoznata kao osnovni pokretač konkurentnosti poslovnih subjekta i ujedno osporavana i neshvaćena s druge strane. Jasno je da postoje različita mišljenja, a samim tim i iskustva koja nas usmjeravaju.

Mi smo sigurni da poslovnoj zajednici u Bosni i Hercegovini nedostaje organizovana poslovna

edukacija (temeljena na iskustvu i poznavanju naših tržišnih prilika), kao i organizovani networking (druženje poslovnih ljudi). Mislimo da je pravo vrijeme da upravo sada krenemo sa organizovanom edukacijom, vrijeme je da razgovaramo jedni sa drugima, prenosimo iskustva i pronalazimo rješenja. Vjerujemo da u Bosni i Hercegovini postoji mnogo uspješnih poslovnih ljudi koji imaju šta reći, koji žele svojim iskustvom i znanjem pridonijeti stvaranju uslova za efikasnije poslovanje.

Svi imamo zajednički cilj, a to je podizanje vrijednosti tržišta uz ostvarenje poslovnih ciljeva. Naša iskustva i izazovi su različiti, ali smo sigurni da ako ih razmjenjujemo i podijelimo sa drugima jednostavnije pronalazimo prava rješenja i donosimo ispravne odluke. Predlažemo da prvi korak bude da nam se javite na e-mail resid.muratovic@instore.ba sa svojim pitanjima/izazovima na koje ćemo zajednički pronaći odgovore.